

新刻羣音類選

新刻羣音類選卷十九

虎林 胡氏 文會堂 校選

四豪記

狗盜入秦藏

駐馬聽禁鼓初更寂寂天街誰敢行巡邏小卒守夜
官兵悄悄冥冥輕輕移步入秦庭風寒露冷人初靜
仔細經營仔細經營這場好事終須拚命前腔玉美
金精魯璞吳鈞楚白珩珊瑚瑪瑙琥珀玻璃玳瑁空
青象牙犀角與猫睛琉璃翡翠明璣瑩琬瓊瑛琬
琰瓊瑛隋珠和璧輝光相映前腔帶綬簪纓綺綉絲

羅紗段綾襟裾襪履玉珮香鈎弁冕衣衾鳳冠霞帔
錦成茵龍袍蟒服繒為襪價值千金價值千金輕裘
狐白真難相並駐雲飛答謝神明竊得狐裘轉四更
禁苑裡人烟靜何處是來時逕茶趨步向前行怕有
人聽洩漏天機枉害殘生命這段功勞敘得成

雞鳴出函谷

甘州歌清霜滿地聽盡樓殘角斷續風吹關山何處
頓忘却岐路奔馳郵亭驛通須封傳易姓更名且變
衣加鞭策縱馬蹄驂騶駮傷雲飛□□□□□□
追兵唵哨馬聲嘶前腔驅兵步步隨奉君王嚴令怎

敢稽遲從教插翅料應他無力翻飛秦關盡日隄防
慎齊客今朝咫尺迷洋洋去緊緊追故鄉猶恐未能
歸遭龍睡犯虎威管教難犯這災危前腔狐裘是禍
胚觸將軍暴怒丞相奸回本求和好翻成作怨恨乖
離封侯相位應無福繫虜囚車實可悲辭宮闕泣路
岐飄零何日遂東歸賢門客感幸姬關門將近未聞
雞前腔關城聞曙雞施暗中巧計就裡藏機重門已
出你縱有駟馬難追頓開鐵鎖蛟龍走踏破雕龍彩
鳳飛山離險路漸夷風塵千里近王畿三千客十里
師功歸狗盜與雞啼尾聲嘆飄蓬生如寄豺虎叢中

始得歸、再整戎車却向西。

馮驩彈鋏歌

懶畫眉長鋏歸來食無魚、桑戶繩樞返故廬、食前方丈竟何如、龍泉何事埋光采、枉做人間大丈夫、前腔長鋏歸來出無車、門外何人問索居、紅塵拂面走長衢、高軒駟馬應無分、空讀人間萬卷書、前腔長鋏歸來有車魚、無以為家難久居、身留一劍更無餘、銀鋸不遇風胡識、狗盜雞鳴愧不如。

桂枝香沉潛抱負、軒昂器度、國士難逢、知音不遇、蛟龍待時、蛟龍待時、驂騑獨步、鳳凰為伍、羨通儒、百篇

文彩聯東壁，一劍光芒射斗墟。
前腔感君收錄，荷君存顧，鼓瑟齊門，吹竽濫預，食中有魚，食中有魚，出門乘御，家無顧慮，藉吹噓，要為天下奇男子，不作人間淺丈夫。

春申獻美人

畫眉序稽首拜金闕，奉獻佳人侍中櫛，喜儀容端正，性資修潔，買蛾眉，不惜千金，求鳳子，重光奕業。合柳腰莫道曾攀折，梅子更空多結。前腔將進又還怯，本是邯鄲舊寡妾，恐象床鴛被，不堪鋪疊，唯願取瑞應儲星，非敢望光分后月。前前腔紅袖映丹頰，酒注金

鍾味香冽看芳容玉貌果然奇絕歌喉亮高遏秋雲舞
態輕低迴春雪合前前腔清夜玳筵設十二金釵兩
行列看雙眉愁鎖一心嬌怯喜今宵鳳配鸞儔兆異
日金枝玉葉合前滴溜子今日裡今日裡睿情歡愜
從今後從今後綿綿瓜瓞洞房裡絳紗高揭南薰透
瑣窓一輪皓月銀燭華筵照人明燁鮑老催故山萬
疊東腸欲訴柔腸裂舊歡未畢新歡結眉偷促泪暗
垂心徒切巫山雲雨輕拋撇章臺楊柳從攀折咫尺
間成間別雙聲子笙歌歇笙歌歇合殿裡歡聲徹金
尊竭金尊竭寶爐內沉檀爇歸路折歸路折燈毬接

燈毬接看金堦人靜，銀河影滅，尾聲從今朝野皆懽。
悅不枉了把陰陽調變，永建王家萬年業。

如姬竊虎符

山坡羊 亂紛紛御溝中紅葉兒飄蕩，急攘攘畫簷前
鐵馬兒衝撞，啞啞啞瑣闥外無情鴈聲絮叨叨玉砌
邊促織兒音清曉，秋夜涼，那堪更漏長，今宵沉醉銷
金帳，楊柳風生梧桐月上，飛觴拚沉暝入醉鄉，笙簧
送金輿歸洞房，前腔冷瀟瀟控金鈎的秋聲悲壯，皎
團團透珠簾的蟾光明亮，秋唧唧開金堦的寒蟄夜
鳴，閃爍爍照銀床的燈影搖羅幌，侍君王，堯年舜日

長鴛鴦比翼芙蓉帳，蘭麝香熏葡萄酒。釀周王，赴瑤池宴羽觴。軒黃做華胥夢一場。

二郎神 初更後對粧臺把雲鬟寶髻收。一陣風來羅綺透。閒堦寂靜，浙浙蛩吟窓牖。別作深宮一段秋。聽雙砧敲送邊愁。合因坐久不覺萬籟無聲。漏滴譙樓前腔 仇讐三年積恨。蛾眉蹙皺。藉公子交遊。方授首。空自飲義銜恩。欲報無由。日夜思量願未酬。到而今方纔輻輳。合前集賢賓 兵符自料難到手。教人進退夷猶。祇怕君王醒宿酒。這機事定然洩漏。翻成差謬。何日把邯鄲拔救。合恩徒厚。愁絕處把人憔悴。前腔

深恩未報，衷腸未剖。這念念常在心頭。誰識今宵萬種憂。又恐怕那人尋究。功成未否，止不住淚沾襟袖。

合前黃鶯兒。霜月冷颼颼。喜吾王睡正熟。酒痕尚污。

龍袍袖。把兵符謹收。怕明珠暗投。封題付與妖紅手。

莫遲留。用心前去。免使我謾凝眸。前腔漏下轉更籌。

看銀河影漸流。一簾秋色明如畫。綉鞋兒。隙兒玉環。

兒暫收。把錦衣烏帽喬粧。就敢遲留。用心前去。不必

謾凝眸。猫兒墜蕭蕭木葉飄。一天愁。烏鵲驚飛。低

北斗霜寒到骨。想貂裘合深秋。又早見露濕階除。月

掛城頭。前腔。那堪回首。遙望鳳城樓。溝水無情。日夜

流六街三市路悠悠。合前尾聲。雨雲世事如翻手。恩報恩時。警報警。堪嘆浮生若夢遊。

毛先生自薦

玉芙蓉。無因投夜光。按劍遙相向。嘆英雄空自昂藏。丹心要把山河壯。赤手還將社稷匡。從今後如錐出囊。指日間看咱們脫穎。露鋒鋞。前腔。懷中玉久藏。席上珍堪尚喜吾門國士無雙。胸中浩氣騰千丈。筆下雄文定八荒。合從今後如錐處囊。指日間看他們脫穎。露鋒鋞。前腔。文須佐趙王。武要驅秦將。論平生勇力剛彊。聽他言語多虛誕。只恐施為欠主張。合前前

腔何須較短長，不必粧模樣。且安排舌劍唇鎗，磊磊落落，何多讓。烈烈轟轟，做一場。從今後，如錐出囊，指日間看，咱們脫穎露鋒鏘。

邯鄲宴四豪

山花子 太平會宴彤雲繞，長空瑞雪飄。飄飄照青春，金冠錦袍玲瓏玉，帶垂腰。合喜邯鄲烟塵已消，天教此會集四豪。龍笙象板合鳳簫，笑折寒梅，勸飲香醪。前腔容顏覽鏡休嗟老，乘時且弄風騷。楚宮中許多細腰，何如俺態度妖嬈。合前前腔救災恤患能存趙，翩翩公子賢勞。看旂常勲業可褒，千年青史名標。合前

前腔羣賢共把秦灰掃，全憑武略文韜。畫堂中銀燭
且燒，晚風寒透孤貂。合前撲燈蛾逢花且咏朝，對月
還歌笑。聚首論交日，不似當初年少也。共肺肝相照，
眼空四海幾時髦。合嘆浮生朱顏易老，更無情白髮，
權貴那曾饒。前腔青萍俠氣高，白雪歌聲妙。遇酒寬
懷處，莫問閑愁多少。共追歡買笑，茫茫天地幾人豪。
合前尾聲圍紅繞翠，笙歌闌看此地絕勝蓬島，偏稱
銅壺夜漏迢。

慶慶記

長亭送別

武武令 雲樹重重鎖暮愁何事輕離同侶只恐風塵
萬里情到不堪回首那曾慣涉水登山冒霜寒披月
冷何處勞奔走前腔意懸懸功名願怎酬急攘攘寶
玉懷難售但願攀龍附鳳更何憂馳驟一任地北天
南朝投秦暮投楚好舒經國手沉醉東風嘆功名水
上浮漚望前程風中絮柳君挾策遠相投知他能用
否到其間只怕令人虛守合為家泪流為國泪流
又不知何日裡得聚頭前腔守家園肯老蒼頭向諸
侯看功成唾手非是我妄追求羨英雄肯居人後離
別去看歸來懸紫綬合前園林好贈君行奴何所有

烹伏雌聊相勸酬須信糜糜炊就休忘此意綢繆休
忘此意綢繆前腔感娘行情深意周謝烹雌甘貧自
守別後銜恩不朽須有日會牽牛須有日會牽牛注
兒水渺渺長亭道匆匆客子遊英雄仗劍對尊酒他
烹雌要你早展調羹手他炊糜要你早向金門走何
事淚溼衫袖合試看長驅指日裡撐扶守宙前腔無
柰一時別長增萬種憂牽愁惹恨絲絲柳想烹雌人
在寒窓守炊糜人困蓬門久着我空添消瘦合前五
供養你何須過憂蓬矢桑弧志存九有風塵隨去馬
落日送行舟觀長途無數王孫馳走誰能常聚首孰

肯臥滄洲合一旦功成芳名不朽前腔我憂恨怎休
嘆跡如萍梗身似蜉蝣開花偏着怨衰草只生愁我
妻房困苦望你相扶救草茅如得志犬馬卽相酬合
前玉交枝官人聽剖論才華拔越凡流心存國事肯
家謀也只要名成就寰區且逐雲龍會富貴無忘畫
錦遊合刮目看更進竿頭前腔車馳馬驟都欲上鳳
閣龍樓風塵迢遞任追求妻房煩問候一朝變理贊
謨猷終身報答傾瓊玖合前川撥棹諒真心誰能勾
我訴衷腸難措口只慮你位列王侯怕拋奴另尋佳
偶合意教人不怨愁不由人不泪流前腔忠於國願

無休愛於妻、願常守、縱有月色花容、我怎肯迎新棄
舊、合前尾聲、長亭送別愁、分手無限情懷、知否、有日
榮歸、爭看騁驂騶

尾犯序最苦別離愁、滿目寒花、一天烟柳、只為求名、
冒風霜、速遊消瘦、怎忍見他停驂顧目、不堪訴我攀
轅分手、奴只慮日斜人遠、翹首望滄洲、前腔離別不
須愁、學貫天人氣、沖牛斗、向往求名、料遭逢、自投聽
剖、他擬望神京、建績肯落、莫家園、自守何必向蒼山
碧樹、徒把淚珠流、前腔風塵悲遠遊、一旦分襟、何時
聚首、待得成名、怕相見、無由思、究看物態、翻雲覆雨

感世變白衣蒼狗，奴復慮亡唇寒齒無計可安留。前
腔安危須自守，仰默佑行藏滋培蒲柳。他萬里雲衢
早遂錦衣遊，知否倘能勾鹽梅鼎鼐，肯負你糟糠箕
箒。從今後天從人願，無使望穿眸。

鬻身飯牛

桂枝香持竿命槩，狂思浪想，遙思戀餌貪鈎。已被批
鱗几上，你如今釣臺虛守。如今釣臺虛守，魚沉音斷，
波清月暗。這其間一從連釣春鰲後，萬頃空江碧水
寒。前腔金丸休彈，彫弓休颺，遙想設網張羅，致使遷
喬離暗。他如今色斯舉矣，如今色斯舉矣，清音絕響。

修翎天壤這其間一驚箭射飛騰去萬里雲霄不可攀

梁州序和風酥雨輕寒微暖正值郊原綠遍飯牛平野遙看雲錦相連想羆熊方隱鹿豕同遊發迹先微顯聖君賢相豈徒然且臥斜陽萬里天合紅杏裡綠楊畔好隨時守分同歡忭身外物有誰戀前腔纖纖芳草班班新蘚綵結花裊鋪遍雨簑風笛暫將牧地盤桓想烹雌思婦炊爨佳人何處空悲怨暮雲春樹不堪言草長沙平接遠天合前前腔向晚來皓魄團圓聽原上歌聲清亮看牛蹄沒草蝶狂蜂亂無數遊

人集蟻芳艸連天此景清無限何勞附鳳犯龍顏綠
野香堤別有天合前前腔過前村柳媚花妍跨青牛
風恬日暖看飛鴉數點遶枝爭占一段彩雲團蓋瑞
靄平川好景誰曾見清閑不讓神仙伴一笛臨風月
滿天合前節節高黃昏飽飯甜喜無牽紅塵遠隔閑
庭院思量遍射雉屠龍劍都來不是乘牛願功名
富貴從人占合只恐浮名易了休不覺光陰如飛電
前腔披蓑伴月眠夢魂安閑憂不動羲皇念無縈絆
草為氈天為幔從他世事尋常變日高睡起飛春燕
合前尾聲閑花野草春爭豔好良辰放我清閒始信

優游天地寬

強婚守節

憶多嬌山可裂海可涸無瑕白璧不可涅效精衛銜
石填海關波清水潔願水肌葬與魚鱉關黑麻我結
髮恩情肯輕拋撇任碎首奸雄恁般摧折情難斷志
怎奪就死湘江泪痕怎滅牽衣痛說寸腸千萬結義
重身輕生離死別憶多嬌心剴切行果決柏舟自誓
莊姜節想野蔓虛纏豈瓜葛波清水潔願水肌葬與
魚鱉關蛤蜊羨執守蘋繁慕女貞潔肯着主衣裳為
人容悅首堪斷日可決怎戀微軀行名損缺牽衣痛

說寸腸千萬結，義重身輕，生離死別。

剗銀兒，玻璃玳瑁，開華宴，洞房今夜會神仙。芙蓉裯
褥軟，歡娛笑喧，跨鳳乘鸞，金尊雙勸，一夜夫妻百年
姻眷。前腔，奸雄妄動，連婚念曉，行飛露，肯相沾，鸚鵡
有真見，虛疑野鴛，終天負冤，恨無飛劍，碧玉無瑕，肯
教蠅玷。前腔，銀河織女，空相戀，豈知河伯娶嬋娟，龍
宮冰簟展，露犀夜燃，跨鳳乘鸞，金尊雙勸，一夜夫妻
百年姻眷。前腔，香魂逐水，無由見，湘妃蘭佩，喜重看
長風雲雨捲，缺月又圓合，終天負冤，恨無飛劍，碧玉
無瑕，肯教蠅玷。前腔，願將枯骨填江漢，豈逢神禹若

相援汪洋弱水險復起九泉公前

寄身尋夫

駐馬聽幾度寒威千里兒夫未授衣我這裡杼懸夜
月梭弄西風坐擁寒機金鍼未引淚拋垂剪刀欲舉
心先碎感事傷悲感事傷悲寂寥深巷鳴雙杵前腔
巧製寒衣展轉尋思未了時意中長短去日丰姿別
後腰肢愁多似織復添絲情含無限仍加絮地遠天
殊地遠天殊誰憐寒到衣難寄前腔露冷風淒你補
衾兒夫苦念伊多添弱線細累香絲熨貼輕裾生香
綵服自相空禦寒袍締輕拋棄魂夢無知魂夢無知

倩人稍寄同飛去

憶多嬌霜慘切風凜烈兒夫何處披金衣鐵途路間
關有勞遠涉合牽衣細說舉目潏潏血前腔欺暖
禍輕疊雪縷縷情牽絲絲意切好襯羅袍肯教輕撒
合前闌蛤蜊感念深恩豈辜委托須信綰絲雲清露
潔風雨霑濡有難慰貼千里程途仔細提挈合同心
綰結分袂擬重合染竹成斑泪痕怎滅前腔將衣遠
行敢辭跋涉重比羔裘委蛇可悅他綠衣黃裡肯教
僭越須念你殷勤衫襟忍割合前

夢回紀怨

雙調新水令 入空門最苦是僧家誰能勾雨雲巫峽
 無心翻貝葉有夢逐桃花珮玉衣霞女菩薩從天下
 駐馬聽不競紛華薄霧輕烟籠夜月天成俊雅和風
 酥雨透春葩芳容嫌使膩朱搽玉肌潤比香酥滑多
 情含笑頰盈盈暗成依蘭若 沉醉東風喜相看琪樹
 上開連理花喜相看蒲團上襯凌波襪假意兒往前
 迎火性兒隨時發得歡娛脫却袈裟題起焚香念法
 華把咱箇逃禪的僧人氣殺 折桂令 我到如今喜樂
 無涯 着雙成會着摩耶推倒伽藍打倒金剛賴倒菩
 薩一任咱閑遊戲耍管甚麼大師恨咱沙彌惡咱頭

陀念咱男女樂還真慈悲心是假鴈兒落怨只怨親
將咱出家怪只怪刀將咱削髮念甚麼多那密陀經
守不得五戒三生寡得勝令不追隨左袵着僧伽說
法雨天花戲一會狂蜂與浪蝶放一會心猿與意馬
玉指送流霞把一個金鉢盂做合盃管香汗透春紗
把一領綉偏衫做鮫綃音要帕沽美酒咱不是喪明的盲
與瞎迷心的顛與文音要冷冷清清做甚麼好將鳳鸞同
跨又誰驚又誰怕太平令我愛的是綠窻前笑語渾
家翠被中偎倚仙娃風吹綻芙蓉兩花露濕透牡丹
一架呀咱雄心算他他秋波盼咱捱一刻千金無價

離亭宴帶歌拍煞霎時間雞鳴鍾響催談法夢回人
遠空牽掛一地裡胡抓抓遍了禪師床倒翻了雞鳴
枕樓抱了小行者他咨嗟耳邊呼葫蘆身邊罵苦把
他相纏學騙馬住甚麼兜率宮說甚麼普庵呪建甚
麼慈恩塔吹滅了祖祖燈打破了光光乍醒來時昏
昏的又睡着但願的好夢兒巫山雲雨濃常與那玉
人兒洞房花燭夜

追薦夫人

新水令 一從分袂總成愁為妻房好生消瘦想音容
無覓處對燈月漫追求此恨悠悠幽冥中負鸞友折

桂令怨虞公無智無謀把唇齒相忘假道教由霎時
間將虞并取把虢全收被兵戈趕逐你南奔北走遇
強援凌逼你燕侶鶯儔貞節須酬水火堪投青史上
你昭垂百代芳名黃閣裡我常懷萬古真愁江兒水
玉體隨波溜香魂逐水流乾坤可毀心依舊精衛鳥
有翼還飛候湘江竹有淚還湮透一點真心難朽悔
覓封侯說與傍人知否鴈兒落想着你烹伏雌意獨
周想着你炊粳多貧相守想着你別離亭強逼留想
着你牽短袂難分手想着你避兵荒無依倚何事我
救荆人不與謀想着你遇強婚無張主何事我置晉

君不轉頭休休只落得雙淚流欲得見無由遣不去
心中萬斛愁(收江南)呀似這般分離水別呵誰承望
錦衣遊榷不過鳥飛兔走幾經秋虛名疑是水中漚
一朝朝可憂一朝朝可憂為甚麼蒼天不把人扶祐
(園林好)駟馬高車誰能常有做來的事都變成仇負
心人吾當自咎應有日報嬌羞(沽美酒)聽潮聲徹夜
流聽潮聲徹夜流流不去許多愁我只見浪滾波
翻羅襪浮成雨怨結雲愁風懷露慘無休繫人心
的冤家怎能得聚頭只落得悶懷空自剖說甚麼
功名成就我呵到如今朝求暮求那時兒不求呀

空向着風前酌酒，清江引芳卿不見多煩惱。空向蒼天告，幽明兩隔時，淚雨紛紛落。要相逢，只除非是他生了。

途中澣衣

鴈魚錦愁多月夜，搗衣聲嘆無端。臂怯寒威重展轉，想那人不相共，自他輕撇去也難禁。想他們不昧前情，奔馳苦至今添鬱悶，空擔着身口勞形影，無計可度朝昏。時把寒衣整，一解驚心，月殿仙娃霓裳舞罷，廣寒也還孤另。心忙杵重，怎當得許多幽恨，怨天遠河漢不通，怨途遠關山不窮，怨人遠各任西東，多為

遠月明深巷，獨守寒砧。傷感秋風幾度螢。一壁廂恨
咱是箇不含垢納污的漿衣婦。一壁廂怕他是箇要
煎舊迎新的衣錦人。(二解)還驚夜杵雙鳴，頓教孤帷
獨寢飛魂夢。士怨衾寒，女恨被冷，淚濕裳衣。愁聽砧
聲，芳心自警，我生虛度。願得他洗清疆境，空望著支
機石下，憐烏鵲，只落得織女星前搗素縵。(三解)幾迴
澣濯，愈添愁悶。因圖着搗衣乞口，途萬里相投奔。又
還驚別來，顛倒裳衣，頓將恩愛輕，便着主衣。工作春
妍色，却教我誰適為容。想起怎不傷情，我這裡搗衣
臂冷悲殘夜。他何處補袞功多，洗暗塵。(四解)嘆薄命。

搗柔絲淒淒幾莖潔白似天成也何曾犯着一點青
蠅夜月明偏照愁人西風緊亂吹蓬鬢越地裡自傷
神途窮自合鳴衣杵老去還當過藁砧

遇妻失認

江頭金桂最苦夫離鄉井傷朝昏妾倚門誰想旌旗
蔽日烽火連雲把黎民皆逼窄却便似絮逐風飄萍
隨浪滾曾見天無二日民無二君從一終身婦道成
看山崩水涸山崩水涸孤貞自警細沉吟且將雙杵
敲星月好空千聲訴藁砧前腔自分中心存補衮荷明
君衣被恩一介布衣寒士執掌鈞衡便文身兼綉錦

因此上朴素多崇，若穿不整，妻被強婚，身殞誓死，心
存題起，教人倍愴神。看風淒露慘，看風淒露慘，香魂
不浪到如今。無衣月下鳴雙杵，有影燈前伴短檠。

夫妻相逢

高陽臺 利逐蠅頭，名爭蝸角，雲山萬里牽縲。夢繞家
園，頻添旅邸，悲切愁說同心人在何方所。我空勞觀
詞逆意，淚珠傾落，嘆無緣鸞孤鳳隻，寸腸千結。前腔
聽妾休處，房佳人烹雌思婦，我曾與他片時相接。金
鼓連天，須臾拋棄家業，愁絕他奔馳道路無明夜。到
如今蓬頭垢首，鬢堆霜雪，怕相逢迎新棄舊，蒂摧蓮

折前腔我悲咽他貞靜常存幽閒自守婦道無勞容
悅我結髮如存說甚麼花殘葉卸休別葑菲無以下
體也我自念糟糠肯撇怎能勾生仍共枕死復同穴
前腔淒切欲敘同心無忘舊侶奴當為公作合不遠
天涯中饋人羞間闊休錯他容衰不辨是蘭房也可
能記長亭話別是奴家持觴勸酒牽衣細說前腔慟
徹國破家亡山崩地覆誰想雲飛見月亂裡相逢猶
恐是夢中交接蹉跎娘行為我艱辛也罪瀾漫俱在
卑末到如今離懷且敘暫收啼血

金衣公子別後苦支持遇兵戈遭亂離偶同點女相

依倚雲昏路迷山空鳥啼向楚丘權作棲身計合好傷
悲生平遇此閣不住淚淋漓前腔別野暫栖遲遇豪
家欲強妻共妾自誓投河死東家念奴漁人救予脫
身虎口作漿衣婦合前前腔涉遠苦無資謝烹雌炊
糜糜鬻身牧養牛肥澤聲譽遠馳賢能上知相君定
伯遂安邦志合前前腔不必苦悲思有恩人肯負伊
須教報答相迎取瓊瑤在笥車騎在途大都來共享
榮華事合前尾聲世事從來多更替離別終當有會
時細把衷腸誰與知

五鼎記

借貸遭辱

緊木兒將陳款豫赧顏我茹苦含辛已有年恨詩書
不救饑寒何資斧得助飛騫乞憐同氣聊垂眷涸魚
斗水恩非淺倘使游鱗可躍淵前腔你宗須元族賴
併眼底休嗟驥足邁每興懷一脉元通豈途人冷眼
相看只是連遭荒歉多家變還兼輸賦嚴程限豈得
周親重我愆三段子你平生性慳賤青衿難施一錢
平生性偏諂朱衣輕捐萬千陳平豈是長貧賤終教
六出奇謀顯周急情多親親道全前腔非吾性慳怕
潰長堤蟻穿穴先非吾性偏怕忤權門殃不踵旋試

看熾嗇前人傳，深藏良賈從來諺。未忮都忘伊須勉。
旃。

大迂鼓窮通，本在天你久。耽黃卷未選青錢少，資體
粥真吾願。鼠牙雀角若相纏，蝨螻為災。倉庾罄然前
脛。君家本市廛，惟知問舍，祇識求田。真嗤錢虜，渾無
見通財結客義，都捐那些個舉火分金芳名世傳。

陳后宮怨

十二紅

山坡羊

景淒淒玄陰寒峭，漏沉沉中宵坐杳。

影微微銀缸半明，恨悠悠轉覺空官悄。五更轉霜色

侵，暖氣銷柔腸攪。羅巾淚盡朱顏老，那更遙天雁聲。

孤叫

園林好

謾支頤心猿強調為無眠心旌自搖往

事不堪齊到

江兒水

排去還來索性從頭論較

王安枝

丰茸年少便相看垂情阿嬌黃金屋貯曾諧好却誰

知一旦恩消

五供養

問取鴻圖昔紹我母氏當年曾

効微勞

王胞肚

倘粟姬常奉御安得有今朝擁護猶

忘昵愛應拋

好姐姐

懊惱前根舊苗總翻覆非由人

料

玉山頽

我紅殘綠褪便是殃生災召此恨憑誰告

况天高靈均設問枉吟騷殘燈幾挑壚中幾添紅獸

燒壚邊幾溫綠酒澆

川撥棹

慘月窓斜照更悲風徹夜

號撥寒灰正自無聊撥寒灰正自無聊驀聽南宮笑

語囂雜笙簧韻響仙韶雜笙簧韻響仙韶誰向長門
問寂寥（使使令）猛拚先露萎哀夢謾魂招薄命佳人
從來悼薄倖笑君王史亦標尾聲星稀漏斷雞聲報
又不覺東方漸曉盼殺昭陽萬里遙

主父雪憤

長相旌遠嶠函旌遠嶠函車辭灞滻今又作故鄉遊
宦遙遙瞻眺見巍巍岱嶽雲橫書授武王丹憶鷹揚
表東海太公聲遠九伯專征威命尊賜履盡穆陵無
棣間還又想一匡功烈有齊桓須知是尊周攘狄也
霸業成難短拍隱隱牛山隱隱牛山景公堪嘆但遙

臺高起遊觀國豈固如磐贏得田陳厚施將姜呂一
朝輕換舊跡行行閑翫感興廢令我一摧顏五供養
身趨霄漢赫赫榮歸邑里驚看當時朝蠖此日訝
鵬搏真慙肉眼悔何及自宜蒙譴還期恢相度猶得
赦前愆特叩庭階膝行肩袒前腔當年偃蹇誰向窮
途青眼相看蕭悲喪舍給瑟誤國門彈曾求提挽垂
空袖幾回羞返野人徒與塊僖氏詎供食若念前讐
罪須盈貫前腔高騫雲翰族屬相迎勝事欣看官今
尊相國身不誤儒官休嗟榮晚聽嘖嘖街衢興嘆從
前衰禮意直可有愚頑葛藟須求庇根綿蔓前腔頻

遭摧翰骨肉皆如秦越相看翻朝糠覈飽誰念鵝鴒
難捐金為獻端不似欲酬一飯聊將充告絕無復敢
追攀從此吾門永辭顏範

符節記

迎節辦行

傾盃玉芙蓉冰節霜風歷數朝無媿箕裘紹我不似
那學菲才樗素祿貪榮媿首低眉伴食臣僚匡扶自
報非周召但直諫置君躋舜堯合須知道這蠅頭利
祿總吾生分外輕易等鴻毛前腔今朝出帝城捧綸
音役役遲周道惟願從今物阜民安歲稔時豐萬里

熙皞春風尚未馳旌旒，雨露先行下草茅。
合前普天
犯傳節鉞，頒榮耀使皇華。風光好，教傳上教傳上早
發行駉，登程莫憚勤勞。心存廊廟，江南咫尺須臾到。
當為他排難祛紛，東粵念息爭消。朱奴犯看駉驅
馳四牡，壯行色錦衣花帽。男兒大節存忠孝，正今日
子獨賢勞。暮雲深春霧杳，見長途幾處疎林日漸高。
深沐君恩重，不辭烟水路迢迢。尾聲津亭度車馬勞
想一路鶯花正好，稱天使春風宮錦袍。

持節息爭

八聲甘州過江南奉使行度寒崖古木落月殘星春風

客裡不堪燕適閑，清驚心柳枝堪寄訊。遙指桃花可
問津。合幾程見巉巖，濕雨蒸雲前腔。芳林鳥韻嚶聽
前村隔浦伐木丁丁，鄉心欲碎，况長途落莫孤形。鶯
花管絃非昔粵，烟雨樓臺半是秦。合前前腔。蕪葦葭入
望平，過紅斜屈曲，綺陌春城一鞭回首，迢迢漸遠宸
京。關河馬前瞻古驛，蒼翠峰低見酒亭。合遺行趁飄
飄雲淡風輕，前腔。羅江萬里明見微茫如練，百折澄
清。烟波塵世總滔滔，一樣浮沈光陰變遷如過客，人
事無憑似旅行。合前

解三醒

我為朝廷觀風歷郡到江南，息怨分爭雲旌

到處方存問，今感化便輸心。明朝殺下諸路，願行也。
要體恤，明王眷顧恩。合毋爭兢，願三章不犯九族。敦
親前腔感公相言詞，雍遜化君民，快服身心。聖君
旰思瘼困，勅賢輔遠將恩。政傳遠近，各自尊崇也。還
要歸家教子孫。合前

灌夫罵座

錦堂月喜賀登龍人，疑跨鳳他年。兆叶罷熊姑射，呈
祥梅花又露春工。破新珠淡影參差，鋪膩玉寒光清
瑩。合春光動，稱紫綬金章，進筭投璫。前腔稱頌學足
三冬，才優六出，羣工仰荷溶溶。值此良辰，嘉徵又兆

豐隆望寒梅鼎鼎思調祈瑞雪田疇占用合前前腔
歡濃褥煖芙蓉簾開麟鳳賓來七貴三公素玉階前
橫斜樹舞蒼龍光燦燦銀海雲生香片片瓊枝風弄
合前前腔欣逢冰合王宮香分內寵恩頒繫結重重
極品隨朝何慙德望崇崇歲寒心敢易梅操清白吏
永同椒頌合前醉翁子洵洵不平氣難禁躍踊憤無
端鬼域把人貽弄輕縱敢冒突尊榮率爾當筵肆不
恭合休相關莫辜負今朝喜氣瓏璵前腔顛弄不審
勢隨機妄動揔怒髮沖冠竟成何用強橫便位極人
臣也是吾儒性分中合前僥僥令奸人多躁妄對面

窮王公不見傲雪衝寒梅萼巧比凡花自不同前腔
鄙夫無學術遽犯且包容但看雪積層層梅影瘦若
要轉陽春只一夕風尾聲憐伊俄頃施剛勇明只為
恃恩怙寵海日西昇月落東

望雲記

仁傑廷諍

新水令仰瞻丹陛近天威念微臣虛心揚對蒙恩除
侍御叨受賜牙緋向日傾葵向日傾葵圖一旅興王
易步步矯率爾烽煙非為窺神器恐慮誅宗室人人
心下危思欲求生擅興戈鉞休整舊戎衣丹書安慰

歡無地。折桂令論人生事在知機。糟粕之言不辨真非。陰謀竊陛下京圻。早已見鯨鯢顛躓。自觸藩籬。張羽翼三軍畢集。決雄雌一戰安危。卽整旌旗。翦滅窮奇。俺這裡校獵長楊。管教他麋鹿奔馳。江兒水天馬征駢下。重將宇宙恢。他無端自取滔天罪。六師速整。誅羣魅。瑩瑩狐兔須臾潰。休聽儒生蒙蔽。若不施為。但恐後人稱帝。鴈兒落俺為國家惜生靈。固本基結。明黨張烏喙。你只圖要掌兵權。掛鐵衣。但只恐善良輩遭兵燹。丹書飛降出宮闈。歡聲沸似奔雷。方信道。儒生輩敢狂言。噴聖威。你心虧鹵莽如狼隊。天也麼。

回聽愚言、破竹摧、聽愚言、破竹摧、（僥僥令）詞鋒汝
獨擅、韜略未曾窺、一任輕狂如龐吠、將社稷任傾頹、
收江南、呀、俺生平正氣呵、與日月共光輝、誰似你穿
窬性格、樂人危、逢迎取悅、不思忤疎、疎天網、自恢恢、
非秦越、何分肥瘠、硜硜度量、小人為、（園林好）值斯時、
秋高馬肥、搃三軍聽吾指揮、須一鼓征車齊、管奏
凱、掩旌旗、管奏凱、掩旌旗、（沽美酒）狐羣輩、似羹糜、須
叅透、這玄機、一時烏合、豈渠魁、何須士卒肅銜枚、甘
心願、採首陽薇、何惧你將咱粉瘞、怎肯把靈臺欺、昧
俺呵、為皇家丹心不移、恁魁自魁、呀、論為臣、輸忠為

卷十九
三十一
貴尾聲便便巧舌成何濟
耿耿孤忠挽落暉誰信英
雄志不違

望雲思親

惜奴嬌九日登高看遊人迢迢滿道笙簫山亭上清
觴菓榼相招陶陶杯泛香醪美意佳情常縈懷表難
描黃菊綻在荒郊幽處為誰開早前腔吾曹萍宦徒
勞嘆人生樂事無如聲徹檀槽平生願欲求共結朋
交今朝得遇英豪杯酒之中相期永好飛繞只見那
鴈南歸忽地動人懷抱鬪寶蟾心苗愁盼岩堯望白
雲一片凝結空高想吾親舍在天際雲坳悲號斑衣

久冷拋趨庭念似燒合亂飄飄正是無情却被有情

紫惱前腔休焦且盡蒲萄看翠絲風翦綠楊稀少值

良辰須當落帽愁消逢遭忠無補聖朝難逃不孝朝

合前錦衣香遊鶴林何時造戲馬臺迷荒草白雁無

傳青霜相照悠悠今古是同袍人生有幸得際清朝

玩江山景物又何須闋苑遊遨休得開煩惱且開懷

抱終須有日彩戲琴調漿水令嘆匆匆光陰箭飄謾

騰騰鶯花易老消磨壯志自無聊情深噬指目斷魂

搖拚沉醉須歡笑蝶金冷落烏紗帽須知道須知道

離多會少君恩浩君恩浩我獨賢勞尾聲興未闌情

傾倒看玉兔東升上樹梢，兩下休忘道義交。

玉魚記

觀中相會

新水令 想容思語佇軒帷，酌椒漿聊陳微意。記當初分玉魚，到如今為陳迹。身遭遇兵革，飄泊在風塵裡。步步嬌 暗想先君選擇乘龍婿，獲配成鴛侶。心同百歲期，不意權奸遠斥邊疆戍。公姑繼殞，須臾又值干戈起。折桂令 聽低聲哀怨言詞，訴往東腸。寫近憂離，感傷他幾多坎坷，幾處懷思。似溪深瀉水急，遊魚鱗逆。似風林恨無寧翼，宿鳥難栖。哭哭啼啼，慘慘悽悽。

悽不覺得增感嘆、觸緒生悲、江兒水、夢地傳來語、神
消骨毀、摧道良人困虜、升遐去、比長松、折折絲蘿、悴
似焦桐、破損朱絃、棄誓必將身同迹、再奠芳菲、乞賜
來歆、格祀鴈兒落、妾傷君命兒、垂身蹇危、妾傷君枉
濟了風雲會、妾傷君辜負了聖明時、妾傷君因把功
遺世、妾傷君不得到三台位、妾傷君拋撇下二寡妻、
妾傷君反做了沙場鬼、妾傷君家業盡被流移、噫枉
自長吁氣、孤也麼、恹空籲天、天怎知、僥僥令聲音宛
無二、形貌未端睨、使我徬徨難存濟、只恐隔牆花錯
認、枝收江南、呀、想那日、急荒忙、奔竄呵、離鄉井、避艱

時當不得前驅後迫虎狼追又忘失了小嬰兒偶逢
他故友出行師得相怜護持得相憐護持險些兒身
依草莽飼狐狸園林好審愁言色喪神沮再潛身悄
悄的聽伊也須要端詳仔細休錯尋了武陵溪休錯
尋了武陵溪沽美酒再殷勤進酒卮說不盡苦心思
一恁憔悴容顏感破眉空腸斷涕交頤空流淚血連
如鳳臺空蕭聲咽任鸞鏡被舞形孤羽俺呵遍招魂
路兮渺迷頌哀文五噫楚吟呀望魂靈望魂靈昭誠
鑒視尾聲香烟杲杲如青縷紙蝶紛紛化白灰哭不
見亡夫郭子儀

五更轉出儒門，依師旅，經年鞍馬居王家，不造不造，
值遷徙原野烽烟，山川胡騎，國步艱萬事，糾生民倚，
從頭收拾收拾中原地，為國亡家，致令流異，前腔自，
那日克幽冀，提兵復帝畿，經由道轉道轉深山裡，却，
見雙親葬埋墳地，知故人重友義，金資餽感二妻孝，
道孝道多週至，忽遇兵戈，罹凶遭否，前腔忽聞聲心，
驚喜見之，豈敢疑誰知此地，此地來相遇，天假團圓，
渾如夢寐，念別離愁幾許，容憔悴不堪兩髻，兩髻如，
絲縷，屢變星霜，幾經寒暑。

單騎見虜

泣顏回社稷一戎衣遵王化感德來歸遽違夙契從
逆叛屢犯邦畿你休憂過慮聽吾言修好終當益若
同心改過前非與戮力共助天威前腔言之自覺寸
心違猛然自悔反已尋思被他虛言巧語引誘咱在
迷途裡內慚最愚從今後協力同心濟顯忠誠再助
唐室莫令人漏泄先機太平令回紇何痴不想當初
共舉時二京助復同休戚何故反相持前腔憶昔常
隨幾次張惶兵解圍幸蒙吾父開心諭果是我乖離
撲燈蛾酋長納忠語此機天賜與金帛甚豐盈士女
更多蕃庶也馬牛羊被數百里若連兵倒戈乘之兩

繼好爾多得利，酌酒在地。此舉莫稽遲，前腔感蒙明。
道知殷勤再拜啓，既已設盟誓，怎敢有忘忠誠也。况
吐蕃與咱猜忌不相讓，各各生疑義，兵共舉，定約即
行師，節節高。王恩普給施，感蠻夷，令公德化仁無比。
感蒙庇蠢爾，知沾化雨，須臾縱免涸魚死，乞全生命。
如螻蟻，從今佩伏聖王風華夷，涵育甄陶裏，尾聲滿。
乘錦彩，盡相遺，結好歡聲動地，兩國連和萬萬世。

呼盧記

呼盧喝采

石榴花 他置錐無地，貧似范萊蕪，屠狗輩，牧猪奴，何

曾慮着有窮途、笑他們志廣才疎、同為博徒、負吾錢、
畢竟當償補、你如何無餌求魚、俺本是守株希兔、前
腔他是蛟龍失水、暫爾偃頭顱、權忍辱、且含糊、你凡
夫肉眼自糊塗、識甚麼玉石精粗、男兒丈夫把黃金
揮擲、渾如土、喜舌存終相秦、邦受胯辱、竟與炎祚、前
腔憐伊年少、比作鳳凰雛、人不肖、馬何驚、你萱親年
老、乞盤蔬、朝夕裡仗執支吾、勸伊改圖、舍榆枋、別問
扶搖路、笑蘇秦、金印空思、料賈郁、鐵船難渡、前腔自
慙貧困、親老一身孤、耽博奕、棄畊鋤、年來竟把好情
辜、空費你多少青蚨、心中揣摩、念從今、豈敢還如故、

不貳過當學顏淵再下車豈為馮婦大迂鼓當場奮
臂呼手授五木一唱成盧蒼蒼未必無明顧鬼神似
向暗中扶俺是困極而亨不亦宜乎前腔虔誠信有
孚明從人愿暗合神符聖賢先兆傳今古神龜龍馬
火流烏這段天心斷不相誣前腔窮通稟有初梟盧
雉犢視有如無龜著尚爾多差誤安憑博賽與樗蒲
偶戲閑談斷甚榮枯

合劍記

明君得劍

桂枝香魏莪氣槩光華丰采虎頭燕頤儀容鳳目龍

姿神態你是命世俊才、命世俊才、器宏識邁、成功有
待、這風裁年登弱冠、威名遠、華夏朝宗接踵來、前腔
我家君作宰、掩這裡身微如芥、怎能乾轉坤回、統馭
九州四海、嘆稚子未該、稚子未該、心中自揣、何能遠
大、慢疑猜、要乘世亂、成功業、試問時機、甚日來、前腔
龍泉光靄、銳鋒生彩、斬犀刺馬、無難好、佩腰間、敵愾
况輔佐傑才、輔佐傑才、帝天攸賚、精忠不改、待時來、
掃除宇內、兵塵淨、大業洪基、有日開、前腔、青鋒光彩、
恍如霓帶、蒙君賜我、干將、橫着腰間、有待、幾、得萬
里耀威、萬里耀威、功成中外、威加四海、遇奇哉、試聞

數語神冰鑑，頓使英雄滿壯懷。

良將得劍

鎖南枝，執鞭勇奪稍精。時乎不遇，功怎成，四海阻風塵。何時掃除淨，志未伸。負此生，定有日，戰百勝，箭腔蓬瀛裡，氣味清。採花收葉度此生，夜靜鶴長鳴。山空見松影，六氣吞萬象，新偶離山到塵境。

戰場合劍

憶多嬌，年始將力正剛。國士如君，怎得雙勇冠三軍。不可當。合天合明良，天合明良從此功成帝王前。腔氣宇揚威勢，強真主奇勳，未可量。何幸相逢在戰場。

合前

官女應兵

北新水令翠幃錦帳兩枝花滿襟懷思王霸業幸吾
兄圖大功喜吾夫真英烈須輔佐唐室須輔佐唐室
休訝我女中俠南步步嬌整軍容旌旗道路接行行
何處歇迢迢行路賒遙望太原驅馳跋涉無端車馬
遠從征今朝又與家鄉別北折桂令亂紛紛誰辨龍
蛇誰是人中英俊誰是女中豪傑世縱橫海沸山裂
爾我女流壯心猶熱為吾兄早圖着豐沛王業娘子
軍也思想韓彭功烈自提兵急往太原滿天旌節南

江兒水行陣長途裡軍容隨路列風塵千里披星月
祖先累世皆閱閱秦王神算更奇絕又有女中豪俠
遙望太原知是唐家宮闕（北鴈兒落帶過得勝令）
猛回頭把女工歇圖大事把機謀設身披着黃金甲
腰橫着刀和血非是空把心腸竭只思了佐成王業
休說閨中弱質無奇訣待得成功不枉了也（南僥僥）
（令）風流女丈夫統衆助王家百萬精兵歸部下千載
播芳名傳話說（北收江南）呀莫道是妖嬈與貞潔番
做了握符秉節看四海紛紛終決裂母使後來咨嗟
因此上曉夜行師莫停輟（南園林好）靚嬌容月貌如

花轉奇謀經綸更嘉脫簪珥鐵衣齊掛這戈戟亂如
麻看行伍實堪誇北沽美酒帶太平令望旌干道路
遮看軍馬走飛沙花貌戎衣奇束結圖王心更切今
日裡盜賊竊發平定後那時懽悅堪誇你如花似月
到是箇蕩塵掃雪休呀漫呀看你的兵法運籌時神
謀奇絕南尾聲千山萬水來投闕娘子軍中聽符節
早助唐王爭報捷

寶劍記

神堂相會

駐雲飛家本賢良何故褻談短共長打扮的喬模樣

做出那歪形像，強倚勢亂綱常，自誇張家富官高事。
發了難輕放，不識堅貞鐵肺腸。(前腔)悞入仙鄉，回首
桃源路渺茫。花本無心放，蜂蝶空相傷。茶何必羨劉郎，
自思量，離了天台，後會空懸望。花落無情枉斷腸。(前
腔)夢破池塘雲雨無成，祇自忙。柳媚和風蕩，花落春
波漲。傷辜負好時光，杜韋娘，不得相親業眼空凝望。惱
亂蘇州刺史腸。(前腔)美玉深藏，何用人前自顯揚。打
扮的風流樣，引惹起風魔狀。狂花貌隔東牆，效張郎。惜
玉怜香，莫把人冲撞。好意翻成惡肚腸。(尾聲)從今日
夜空思想，使盡肝腸，自感傷。願得相逢，蒼上蒼。

公孫棄職

步步嬌宦海風波時時險，富貴多災譴，分明抱虎眠。
固寵專權，積薪壘卵，天涯人被利名牽，不如歸泛回
頭岸。沉醉東風千鍾祿羞啣素餐，四海內隨緣方便，
歸去田園，再不對楚臺峰，巫峽水，長安近遠，西湖架
船，東山種田，纔是我知權變。忒忒令且讀過黃庭幾
篇，我怎把荆玉三獻，願做箇太平民，倒得個天長地
遠，就死呵一身無玷，我只怕恰封侯，忽賜死，朝遷暮
貶，穿一領鶴衫，戴一頂鹿冠，勝強似羅襪象簡，好姐
姐，怎言吾已興闌，且休題韓侯功案，未央宮受患，長

吁兼短嘆，回頭看若待馬走臨岩，收轡晚船到江心。
補漏難，嘉慶子來向那神武門投簪掛冠，先納了虎
頭牌，兵符鐵券，我雖無前賢高見，且免俺一家禍愆。
雙蝴蝶再不聽雞鳴夜度關，再不向金門待漏寒，再
不想披金甲南爭北戰，再不磨手內龍泉劍，再不挽
雕弓穿楊落鴈，再不去領雄兵聽皇家調遣。玉筍半
躲離了豹尾鷄班，拜辭了鳳樓鸞殿，跳出了虎窟龍
潭，遙指白雲顛，揚鞭跨蹇，回首方知退晚。流拍堪愛
處青山翠晚，竹籬草舍茅菴，看瓜棗蠶桑，汲清流，面
澗泉休嘆我庄家漢，吃幾口消停飯。錦衣香才高管

吳功過韓范算來名利不如閑守着山妻稚子早晚
團圓咲傲清閑優游散淡四時佳景隨心玩漿水令
到春來杏花滿園到夏來荷風撲面秋菊冬梅都堪
羨抵多少塞月邊塵瘴雨蠻烟渴時飲餒時飯大家
閑事都休管樂陶陶山顛水邊終日價詩酒盤桓鴛
鴦煞尾幾時沉醉歸來晚喜見楊柳梢頭月半彎喚
兒童把柴門慢掩常則是紅日三竿自在眠